

## عاوز بس مش قادر | تفسير سورة القيامة | د. حازم شومان

حازم شومان

قل هذه سبلي ادعو الى الله على بصيرة انا ومن اتبعني وسبحان الله وما انا من المشركين ورحمة الله وبركاته الحمد لله وكفى  
وصلة وسلاما على عباده الذين اصطفى. اللهم لك الحمد كله ولكل الملك كله. وبيدك الخير كله والييك - 00:00:00

يرجع الامر كله ولما جل ذنبي وضاقت مذاهبي جعلت الرجا مني لعفوك سلما تعاظمني ذنبي. فلما قرنته بعفوك ربي كان عفوك اعظما  
لبيك وسعديك والخير كله كله في يديك والخير كله في يديك والشر ليس اليك - 00:00:33

انا بك والييك تبارك وتعالى استغفرك واتوب اليك اللهم صل على عبتك ونبيك وحبيبك ووليک وصفيك ورسولك محمد صلى الله  
عليه وسلم. ثم اما بعد يا ترى يا جماعة سؤال بنبدأ به حلقة الليلة نص درجة في السانوية العامة يفرق قد ايه؟ ياه نص درجة في  
مجموع السانوية العامة - 00:01:00

يفرق كتير جدا. ده ممكن يخلي الطالب بدل ما يدخل الكلية اللي هو عايزها في البلد بتاعتته يروح في اقصى جنوب بلده او اقصى  
شمال البلد في كلية تانية خالص في كلية ما كانش عايز يدخلها. نص درجة في السانوية العامة يفرق كتير يفرق اوكي. طب يا  
ترى يا جماعة حسنة يوم القيمة تفرق قد ايه - 00:01:25

زي ما نص درجة بيفرق في الدنيا بالزبط عند بتوع السانوية العامة. الحسنة يوم القيمة هتفرق كتير والله يا جماعة. حسنة ممكن  
تقف على مصير انسان. يلف خمسين الف في سنة يدور على حد يدي له حسنة عشان ينجو من النار. او ينجو ان كافة السيئات هي  
اللي تطب على الحسنات. يدور على حسنة. ممكن تفرق معك كتير اوكي. حسنة - 00:01:45

ممكن تفرق معك كتير اوكي. حاسس ان ممكن تفرق معنا ما بين الجنة والنار او حتى في مقامات الجنة ما بينها وبين بعضها. انا عايز  
اقول ايه ؟ فيه ناس لما بتسمع الكلام عن الآخرة والكلام عن - 00:02:05

الجنة والكلام عن النار والكلام عن الموت بتقول ياه انا احنا والله العظيم عايزين ربنا. عايزين طريق ربنا. ده احنا عايزين نتوب  
وعايزين نسيب. عايزين نقى احسن من الحال اللي احنا فيه ده. عاوز - 00:02:15

مش قادر عاوز وكل مرة احاول ان انا اقرب من ربنا اكتر شهواتي تغلبني تاني وضعفي يغلبني تاني. انا مرة فكرت اسيب التدخين  
وعزمت ان انا هسيبيه. بس بعدها بشهر نزلت ركب مع صاحبى تاني. اللي على يميني بيدخن. واللي على شمالي بيدخن. قاومت على  
قد ما قدرت. وفجأة لقيت نفسي - 00:02:31

بخطف سيجارة من واحد وبشرتها تاني وانا انا التزمت وتبت ورجعت وعرفت ربنا بس فيه معصية مش قادر على نفسي فيها كل ما  
اجاحد نفسي ان انا ابعد عنها ارجع اقع تاني. ارجع اقع. احبط وبعد كده اقوم تاني. واحاول واجاحد نفسي وافضل فترة وبعد كده  
تاني - 00:02:51

تاني ارجع اقع تاني. ياه! ده انا عاوز. عاوز عاوز والله العظيم بس مش قادر. وانا انا انا تبت لربنا. ولبست وعرفت ربنا والحمد لله  
سبت المعاصي كلها. بس نفسي ان انا ابقي احسن. انا عارفة ان انا كده لو قابلت ربنا على الوضع اللي انا عليه. لا مش ده اللي يرضي  
ربنا. انا - 00:03:10

اللي انا فيه ده مش ده اللي انا عايزاه. انا عايز ابقي صوامة. قوامة. انا عايز اطلع في الدين اكتر من كده. انا عايزه بس مش قادره.  
عاوز بس مش قادر. عنوان كبير اوكي - 00:03:30

بيضم ناس كتير اوكي مننا يا جماعة. عايزين ربنا بس مش قادرين على نفسهم. تخيلوا ان النوعية دي ربنا سبحانه وتعالى نزل سورة

من اروع اعظم سور القرآن في النوعية ديت. في النوعية دي اللي عايزين بس مش قادرین سورة ايه؟ سورة القيامة. سورة القيامة  
تعالوا نعيش الليلة مع سورة القيامة. ونشوف - 00:03:40

اللي عاوز بس مش قادر يوصل لربنا ازاي. قال تعالى لا اقسم بيوم القيامة. لا اقسم لا اقسم ده ايه. لا اقسم دي كلمة غضب زي ما  
اقول لك انا مش هحلف. بس الموضوع ده انت لو ما عملتوش انت حر لا اقسم - 00:04:00  
كلمة غضب ربنا غضبان! طب ايه اللي غضب ربنا! يا ترى ربنا غضب بسبب معصينا! ولا بسبب مكابرتنا! ولا بسبب عنادنا! ولا بسبب  
تودده لنا بالنعم وللأسف جحودنا اليه بالمعاصي. يا ترى ربنا غضب ليه يا جماعة؟ ولا بسبب ان احنا مش راضيين نعترف ان احنا لسة  
مش قريبين من ربنا. يا ترى ربنا غضب ليه؟ ربنا لها غضب - 00:04:14

القوم لوط سيدنا جبريل على على جناح من ستميت جناح. شالهم ورفعهم للسماء وهبدهم وخسف بهم الأرض. وبعد كده السما رجمتهم  
بالحجارة رقبتهم بحجارة مسومة. الله لما يغضب يحصل ايه؟ كل اسباب غضب ربنا على الاقوام اللي في القرآن موجودة في  
مجتمعنا الواقعي - 00:04:34

موجودة في امة الاسلام الواقعي. كل اسباب غضب ربنا على قوم عاد. وعلى قوم صالح وعلى قوم لوط كلها موجودة دلوقتي في  
المجتمع اللي احنا عايشين فيه. لا اقسم الملك غضبان. طب غضبان ليه يا رب؟ لا اقسم بيوم القيامة ايه يوم القيمة ده؟ ده خمسين  
الف سنة. خمسين الف سنة! خمسين الف سنة الرسول عليه الصلاة والسلام - 00:04:53

يخبرنا ان اللي عنده مواشي انعام ابقار غنم ما بيطلعش الزكاة بتاعتها. تأتي يوم القيمة المواشي دا هي نفسها. تطأه باقدامها  
وتضرره برؤوسها كل ما تخلص ترجع تاني. تطأه باقدامها وتضرره برؤوسها. تخلص ترجع تاني خمسين - 00:05:13  
الف سنة يعني ممكن ناس تفضل الخمسين الف سنة في عزاب! تفضل طول يوم القيمة في عزاب! الله اكبر! يا جماعة انتم متخيلين  
منزرا! احنا الواقعي على وجه الكرة الارضية - 00:05:33

ستة ملياربني ادم. ولسه قل لستة كم مليار على ما يوم القيمة يوم. وكام مليار ماتوا في تاريخ البشرية. تخيل لو ميت ملياربني ادم  
يوم القيمة بعثوا كلهم - 00:05:43

في وقت واحد. متخييل لحظة تطاير الصحف ميت مليار صحفة كلنا واقفين كده ميت ملياربني ادم. ميت مليار صحفة جايين  
متطايرين. وكلنا بنبع وقلوبنا مرتجلفة خلاص شعرنا شاب من كتر الرعب. يا ترى اي صحفة من دول هتقع في ايدي؟ ويا ترى  
الصحفية تبقى مليانة حسنات ولا سينات؟ ويا ترى هتقع في اليمين ولا في الشمال؟ منزرا - 00:05:53  
 يوم القيمة ياما يوم فيه احوال. لا اقسم بيوم القيمة ولا اقسم بالنفس اللوامة. ياه! بس النفس اللوامة اللي هي مين اللي هو عاوز  
بس مش قادر. النفس الاهمي اللي هو مين فينا يا جماعة؟ النفس اللوامة اللي التزم وتاب وعرف ربنا بس لستة فيه معصية مش قادر  
يسبيها - 00:06:16

في معصية مش قادرة تسيبها. النفس اللوامة المذنب. اللي شوية صح وشوية غلط. شوية مجتهد في الدين وشوية عنده فتور.  
شوية مقبل وشوية معرض سطر وسطر. الصحيفة بتاعته سطر وسطر. ده لما يمشي من على الصراط هيقوم ويقع ويقوم ويقع.  
ويقوم ويقع وتسفعه النار مرة ويخطو مرة ليه؟ لانه - 00:06:36  
 كان في الدنيا بيقوم ويقع. فالصراط كذلك هيقوم ويقع. النفس اللوامة مين يا جماعة؟ النفس اللوامة اللي بيعصي ربنا بيقول انا بلوم  
نفسی ان انا بعصي ربنا بس مش قادر - 00:06:56

مش قادر اعمل اللي ربنا طالبه مني. او اللي بيطبع ربنا وتاب الى الله بس عايز يبقى احسن ومش قادر يبقى احسن. النفس اللوامة  
اللي تيجي تقول تب سب يقول لك مش قادر اللي تيجي تقول له صم قم يقول لك مش قادر. طيب يا اللي بتعصي ربنا انت تقدر على  
مقام الحديد من - 00:07:06

العذاب على شفير جهنم؟ لآ. طب انت تقدر ان قبرك يبقى تموت من جبر تحت الأرض؟ لأن لأن ما اقدرش طب انت تقدر انك وانت  
ماشي من على الصراط لسان دهب لسان له بيأخذك الى قاع جهنم والعياذ بالله لأن ما اقدرش ما اقدرش على الحاجات دي. ازا كنت ما

تقدرش على عاقبة المعصية - 00:07:26

ما تعصييش اذا كنت ما تقدرنيش على عاقبة الاعراض ما تعصييش اذا كنا يا جماعة ما نقدرش على عاقبة الغفلة ما نغفلش. يا جماعة مش قادرين ليه؟ هو فيه ايه في الدنيا سهل؟ ايه في الدنيا سهل؟ لو انا قلت لك ان يبقى عندك خمسة مليون جنيه - 00:07:43  
سهل ولا صعب او اي. طب انك تحضري ماجستير ودكتوراة صعب جدا. طب اشمعنى الدنيا بيهاون علينا الصعب فيها والآخرة مش عايزينها تبقى صعبة؟ اشمعنى الدنيا بنضحي عشانها لو الاكل مش عايزين نضحي عشانها. اشمعنى الدنيا راغبين فيها؟ عايزين الزيادة والآخرة زاهدين فيها. مش عايزين نزيد اي حاجة وخلاص. ولا اقسم بالنفس - 00:07:57

لوامة. النفس اللي مستعبدة للمعصية. اللي المعصية مستعبداتها مرة. احد الشباب توفي الى رحمة الله. موت فجأة. فزهبت الى الكلية بتاعتته عشان اشوف اليافطة بتاعة العزاء هتبقى فين؟ عشان اروح اصلی الجنازة عليه في بلده واشوف العزاء. دخلت الكلية لقيت اليافطة متعلقة فيها نعي آآ هزا الاخ الله يرحمه - 00:08:17

ولقيت تحت النعي بالزبط شلة ولاد وبنات قاعددين يجرروا ورا بعض ويلهزوا مع بعض ويهزرو مع بعض قلت سبحان الله العظيم. اهم دول يقينا مقهورين على صاحبهم بس المعصية مستعبداهم. مش قادرین يسيبوا المعصية. النفس اللوامة يا جماعة. النفس اللي عايشة معدنة. خدوا بالكم. انا عايز اقول لك - 00:08:37

وعايز اقول لك حاجة اتنين معزين في الدنيا دي عمرهم ما يستريحوا ابدا اللي بيعصي ربنا بس في قلبه خير فكل ما يعصي ربنا ويمشي في طريق المعصية او يعمل معصية او يتفرج على حاجة ربنا حرمها او يسمع حاجة ربنا حرمها او يطلع مشوار ربنا حرمها  
يرجع تاني يتعزب - 00:08:57

متقطع من جواه وهو بيعصي ربنا. بيقى اول واحد متعزب اللي بيعصي ربنا وفي قلبه خير. والثاني اللي بيطبع ربنا. اللي بيتفرج عليها دلوقتى بس في قلبه شهوات في قلبه دنيا فهو معنا بيسمع كلام الدين بس الدنيا لسة في قلبه فيسمع الدين بس هو مشدود للدنيا تعان لانه نفسه في الدنيا امال مين - 00:09:16

ان ما فيش في قلبه غير ربنا سبحانه وتعالى. اللي فصل لطريق ربنا سبحانه وتعالى. ولا اقسم بالنفس اللوامة. ايحسب الانسان ان لم نجمع عظامه؟ هو الانسان فاكر ربنا ما يقدرنيش يجمع العظام بتاعتته تاني لما الانسان بيدهن تحت التراب ويبدأ يتعفن ويبدأ يتحلل ويبدأ بيقى تراب وجزء من التراب بيجي في مشرق الارض وجزء في مغرب الارض - 00:09:38

وك كل حنة من جسمه تطير في حنته من الارض. ويأذن الله يوم القيمة ان كل واحد زرات التراب بتاعة جسمه تتجمع تاني. وانت نايمه كده تحت التراب وانت نايم تتحملا تحت الارض بيبدأ جسمك يتجمعا حنة من الشرق وحنة من الغرب ايديك تتجمعا رجليك تتجمعا عينيك شعرك وشك بوقك لسانك كبدك كل حنة - 00:09:58

تتجمع وبعد كده ينفض التراب ويطلع الانسان. تطلع تبعض حواليك كده كل اللي حواليك من الاكفان بتتقطع فجأة والبشر بيطلعوا منها. منزركفاية ان هو بيقطع منزركهيب. وبعد كده تبعض تلاقي كل الناس بتتجمعا هي كمان. الناس دي بتتجمعا اللي على يمينك بيتجمع وتطلع تلاقي ملائكة رحمة وملائكة عذاب. يا ترى - 00:10:18

ملائكة الرحمة دي مستنياني ولا ملكة العذاب والعياز بالله؟ يا ترى مين اللي مستنيني في الاتنين ويا ترى ابويابا اللي جمبى واخويا اللي جمبى ويا ترى احبابي مين اللي مستنيهم في الاتنين - 00:10:38

ايحسب الانسان ان لن نجمع عظامه هيجمع عظامنا كلنا والله العظيم. هيتجمع جسمك تاني؟ بل قادرین على ان يا بنانة نسوی ايه؟ بنانة البنان اللي هو ايه؟ اللي هو عارفة عقلة صابعك ده اهي ده اهي. عارف بصمة صابعك ده اهي اللي العلماء بيقولوا ما - 00:10:49

ما فيش واحد على وجه الارض بصمة صابعه زي الثانية. اهو ربنا بيقول لك انا مش هاجمع لك جسمك في الآخرة بس انا بصمة صابعك جلد بنانك ده هو. الجلد بتاع بصمة صابعك هيرجع لك زي ما كان. يعني ربنا هيرجع كل واحد مننا نسخة زي - 00:11:09  
مكان في الدنيا لدرجة بصمة الصابع ستة ملياربني ادم على وجه الكورة الارضية. ما فيش واحد بقدرة الملك بصمة صابعه زي الثانية.

كل واحد يوم القيمة يطلع ما فيش واحد باص بالضبعة زي الثانية. وكذلك لما تتطاير مiliارات الصحف. كل واحد اللي هيقع في ايده هو صحيفته هو بس. ما حدش لما بيجي بيصل في الصحيفة - 00:11:26

في عمل تاني غير العمل اللي هو عمله. بل يريد ايه حسب الانسان ان لن نجمع عظامه. بل قادرین على ان نسوی بنانه بل يريد الانسان ليفجر امامه. يعني ايه يفجر يعني؟ يعني ايه يفجر؟ يا جماعة الشهوات اللي في الدنيا مش مش بس شهوات نساء وشهوات مال. في - 00:11:46

في الدنيا اسمها شهوة الفجور. شهوة الفجور والعياز بالله. شهوة الفجور اللي احنا عدنا بنشووفها في المجتمع بتاعتنا الوقتي. اللي عدنا شف بنشووفه على الفضائيات دلوقتي اللي عدنا بنشووفها للأسف في الجامعات بتاعتنا وفي ساحات التوادي بتاعتنا وعلى الكورنيش وفي الشواطئ في الصيف اللي انت بتشووفها دلوقتي في - 00:12:06

بتاعنا يفجر يعني ايه شهوة الفجور؟ الواحد اللي ربنا مدي له زوجة جميلة جداً ويروح يقع في جريمة الزنا مع امرأة لا يوجد عندها اي حظ من الجمال. دي شهوة نساء. لو شهوة نساء ما مراته اجمل. ده دي شهوة فجور. ده دي شهوة فجور. هو بيحب الحاجة الحرام. الحاجة الحرام يمبل لها. زي اللي بيسحب دخان السجارة كده - 00:12:26

ويقوم نافخ الدخان قدامه. وبينفخ الدخان ليه؟ هو كل ما الدخان بيكر بيحس انه بيكر مع الدخان. هو مش عايز حاجة تمنعه. مش عايز حاجة تؤيده. مش عايز حد يقول له ممنوع - 00:12:46

مش عايز حد يقول له حرام. بل يريد الانسان ليفجر امامه امامه. يفضل الطريق طول الطريق ما حدش يقول له ممنوع. ما حدش يقول له حرام. ما حدش يقول لي ان انا هتحاسب - 00:12:56

ما حدش يقول لي ده صح وده غلط. يفجر شهوة الفجور زي الولد اللي في الجامعة اللي بيكلم ميت بنت. والبنت اللي بتتكلم ميت ولد. هو لو شافت نساء كان كلام واحدة بس. انما شهوة ان هو عايز يكلم مية بنت. عايز ما بيقاش فيه حاجة بتأيده - 00:13:06 زي سوق الميكروباوص اللي تلاقيه ماشي في الشارع مشغل الاغاني في الكاسيت بتاع الميكروباوص يسمع الحي اللي على يمينه كله والحي اللي على شماله كله طب ليه؟ ده لو شهوة كانت واغاني كان شغل على قده بس. انما دي شهوة فجور. بل يريد الانسان ليفجر امامه. يفضل طول الطريق - 00:13:21

يفضل طول الطريق ما فيش اي حد يأيده. ما حدش يقول له ممنوع. آآ الفجور جاي اصلاً من انفجار الماء. الماء اللي منطلقة ما فيش حاجة موقفها. هو عايز ينطلق - 00:13:41

ما فيش حاجة موقفاه. عايزه تبقى بنت استايل. عايزه تبقى بنت متحررة. عايزه تبقى فتاة متحررة على مزاجها. خدوا بالكم يا جماعة. خدوا بالكم. انا باقول لكل انسان عاصي. باقول لكل - 00:13:51

صاحب نفس لومة اقف اقف ما تتطلقلش في طريق المعصية قبل ما تندم قبل ما ربنا هو اللي يوقفك. قبل ما ربنا يبعث لك حاجة في الدنيا يوقفك بها قبل ما ربنا هو اللي يقول لك تعال ما دام انت ما انتاش راضي تيجي. ما دام انت نافر عنى ومعرض عنى. اقف قبل ما ربنا هو اللي يوقفك. بل يريد الانسان ليفجر امامه - 00:14:01

اسمع بقى ربنا بيعالج النفس النومامة ازاي؟ اسمعي عشان تعرفي لو عايزه تعالجي نفسك تعالجيها ازاي؟ اسمع لو عشان لو عايز تعرف ايه اللي تفتكره عشان تقدر انك - 00:14:21

تتوب وتقدر انك تستقيم. وتقدر انك انت ترتقي في دين الله. تقدر ازاي؟ فاذا برق البصر الله اكبر. ايه يا رب! ايه اللي بيحصل يا رب! الانسان فجأة برق البصر انفجارات كونية حواليه من كل ناحية بتحصل يوم القيمة. يا جماعة بدأ. بدأت ساعة الصفر ولحظة الصفر اللي الكون كله مستنبيها. احد الشباب - 00:14:31

بيقول لي بيقول لي انا شفت رؤية ان انا كنت داخل الجامع. الادان بيدين وانا داخل الجامع. وانا داخل الجامع بابص في السما فوجئت ان كل المجرات والنجوم والكواكب كلها جاية جري على الارض. كلها هدمة على الارض - 00:14:51 فبصيت للمنز فاترعبت اتفزعت فبابص للناس هتعمل ايه لقيت الناس كلها ماشية ولا هامهمها ولا بتبعض ولا حد واحد بالله. ابص في

السماء مزرها مربع. النجوم والكواكب والمجارات جاية على الارض. وانا عايز ادخل المسجد والناس ماشية ولا حد بيفركل  
يدخل المسجد. قلت سبحان الله! فإذا - 00:15:04

البصر ربنا بينزل الناس. والناس مش ملتفته حتى للانزار. الانفجارات الكونية. الكرة الارضية دي عاملة زي زرة رمل في الصحراء  
الشرقية كده وسط المجرات والكواكب اللي حواليه. تخيل لو الصحرا دي قامت فيها عاصفة كل الرمل خبط في بعضه. كل المجرات  
والنجوم والكواكب خبطت في بعض. الارض ايه وسطها - 00:15:24

انفجارات رهيبة بارق البصر. وخسف القمر وجمع الشمس والقمر. ايه ده! يعني ايه خسف القمر؟ خسوف القمر ان القمر ان الارض  
تبقى زي البتاع ده اهي كده. دي الارض والشمس على الناحية والقمر على ناحية. هو نفسه في القمر. ان الارض بقت في النص ما  
بين الشمس والقمر. هو ده الخسوف. فربنا بيقول وخسف القمر. اهو - 00:15:44

خسف فبقت الشمس في ناحية والقمر في ناحية والارض ما بينهم ما جمع الشمس والقمر. جمع على ايه؟ جمعوا على الارض. يعني  
ايه؟ يعني الارض هتضطهر في النص. ده دي البداية يا رب. ده ده العنوان يا رب. ده دي البداية بس كده يوم القيمة. يقول الانسان  
يومنذ اين المفر؟ اول كلمة - 00:16:09

ينطقها الانسان يوميها. اهرب منين؟ اروح فين؟ المكان متحاصر. هاعرف فين؟ اقرب من النار اللي خمسة  
مليار ملك جايين يجروا ويسقطوا عليها اهرب منها فين؟ والملائكة محاصرة المكان من كل جهة. اروح فين؟ ما المكان كان في  
الدنيا متحاصر - 00:16:29

يا اختي المكان كان في الدنيا متحاصر. يا حبيب قلبي مكان المكان متحاصر. كان فيه ملك يمين وشمال بيسجلوا عليك كل سكتة  
وهمسة. كان فيه الله من فوق سبع سماوات شهيد. كان - 00:16:46

الارض اللي بتعصي ربنا عليها بتشهد عليك وبتسجل. الارض يا جماعة اللي تحتنا ديت مش ارض. دي اجهزة مراقبة. مراقبة علينا.  
يبقى الشاب كده راكب ميكروباوص ومروح بيته وبيبصوا من الشباك يعدي ميكروباوص تاني من الناحية الثانية في بنت راكبة او  
واحدة راكبة - 00:16:56

وبتبع من الشباك يقوم بيص لها بصتین ثلاثة. المكان اللي بص لها فيه ده هو يشهد عليه يوم القيمة. الله اكبر! يشهد عليه! يا رب ده  
كانت في سانية سانية الارض تشهد عليها في السانية ديت. ايوة يا حبيب قلبي. بل يريد الانسان ليفجر امامه. يسأل ايان يوم القيمة.  
اي ان يوم القيمة - 00:17:12

يعني ايه ايام يوم القيمة يا جماعة؟ ايام دي يعني حلني. يعني ايه حلني؟ يعني هو مش مكزب يوم القيمة. هي مش مكزبة  
بالحساب. بس يا سيدى امتى؟ امتى كل واحد عنده طول امل؟ دي مصيبة الانسان. انه عنده طول امل، انه بيقول لك حلني على ما  
يوم القيمة ييجي. كل واحد مش متخيل - 00:17:32

ممکن الليلة دي يقابل ربنا سبحانه وتعالى فيها. ما حدش ياما دفنا صاحبنا بابدینا كانوا رايحين في مشوار ولا رايحين يصلوا حد  
من اهاليهم. رجعوا متكتفين يا جماعة ودفنناهم بابدیهم - 00:17:52

ربنا يعافي المسلمين جميعاً يا رب. ولكن ده قدر من اقدار الله سبحانه وتعالى. يسأل ايام يوم القيمة. خدي بالك انت حياتك دي  
ستوب ووتش انت حياتك دي ستوب واتش عارفين الاستوب واتش عارفين الساعة اللي عدي تنازلي تنازلي تنازلي سريع على  
طول كده انت حياتك من ساعة ما اتولدت اتضغط على الزرار - 00:18:02

ومعدودة بعد انفاس صدرك او عدد دقات قلبك او عدد لحظات عمرنا معدودة باللحزة يا جماعة. والاستوب ووتش شغال شغال  
واحنا لازم نفوق ولازم نلحق. عارفين اللي بيقول لك العمر لحزة! العمر فعلاً لحزة. والمصيبة انها بتخلص في لحزة. هي لحزة بس  
بتخلص - 00:18:21

فجأة ما فيش اي حاجة. العمر فجأة بيخلص وتلاقي العمر اتسحب من ايديك افرأيت الاية دي والله ياه! العلماء قالوا دي ارهد اية في  
كتاب الله. اكتر اية تكرهنا في الدنيا. افرأيت - 00:18:42

ايت افرأيت افرأيت يا جماعة افرأيت ان متعناهم سنين لو ركبوا كل العربيات ومسكوا كل الموبايلات انفرجوا على كل القنوات وطلعوا كل الرحلات في جميع انحاء الدنيا. افرأيت ان متعناهم سنين - [00:18:56](#)

ثم ثم ايه يا رب؟ جاءهم ما كانوا يوعدون. جه الموت. جه الاجل. الانسان بيولد لو حد شاف وليد مولود ايديه كده هو انقبض على الدنيا ولو حد شاف واحد بيموت بيعمل كده اهو. خلاص ما خدش منها حاجة. خرج فاضي خرج فاضي من الدنيا. ثم جاءهم ما كانوا [00:19:13](#)

ما اغنى عنهم ما كانوا يمتعون. لو قابلت ربنا بالفلوس الفلوس هتنفعك بايه؟ لو قابلت ربنا ببنت هتبقى كارسة تبقى مصيبة لو قابلت ربنا بعمارة العمارة هتنفعك في ايه؟ ما اغنى عنهم ما كانوا يمتعون. يعني مهما اتمتناها يا جماعة الدنيا منتهية. يسأل ايان يوم القيمة [00:19:33](#)

حلني على ما اليوم بيجي ما ينفعش. يا جماعة ما ينفعش والله العزيم ما ينفع. احنا جايين هنا عشان نقدر نحرس في ارض الدنيا [00:19:53](#) حرس نحرس عشان نبات الاعمال الصالحة يطلع نقابل ربنا واحنا اثرياء في الدنيا -  
يا اخوانا يا اخوانا عايزيين نستيقظ. يا اخوانا عايزيين ننتبه. عايزيين نفوق من غيبة حب الدنيا اللي حققت قلوبنا وعادت متغلغلة مع دمنا بتغزي كل خلية جسمنا عايزيين نفوق من الدنيا عايزيين نعرف احنا جايين ليه؟ انا عايزة تقف بس وتفكر. اقف كدهو بينك وبين نفسك. طب وبعدين؟ طب ساعة ما انا على فراش الاحتضار - [00:20:08](#)

ايه عمر كله عدى والاقي الشريط بتاع ذكريات قاعد قدام عيني يعدي. كل معصية عملتها. وكل خطوة مشيتها. عمري راح. طب وبعدين؟ طب انا الوقتي استمتعت فين لزة المعاصي اللي انا عصيت ربنا بها؟ راحت. طيب وبعدين بقى ايه بقت الحسرة بتاعتتها زي اللي اشتري عربية فخمة قوي بالتقسيط. دفع اول قسط طالع بالعربية في مشوار - [00:20:28](#)

العربية ولعت انتهت بقت شوية خردة. يفضل كل شهر وهو بيدفع القسط بتاع العربية يحصل له ايه؟ اه اللزة بتاعة العربية راحت. والحسرة والتمن هو اللي بقى. اهو ده ساعة - [00:20:48](#)

كده خلاص لزة المعاصي راحت واللي فضل اللي فضل انه بيقى في خلال تلات ساعات اول ليلة في القبر الانسان هيعيش فيها. وهيتسأل بقى عن تكاليفه هذه المعاصي يسأل ايان يوم القيمة. فاذا برق البصر وخفق القمر وجمع الشمس والقمر. يقول الانسان - [00:20:59](#)

يومئذ اين المفتر؟ اروح فين؟ المكان متحاصر ما هو كان متحاصر في الدنيا يقول الانسان يومئذ اين المفتر؟ كل لا وزر. ما فيش نجا خلاص هتندم بعد ايه؟ هتبكي بعد ايه؟ هتعيط بعد - [00:21:19](#)

ايه؟ الى ربكم يومئذ المستقر. الى ربكم الى ربنا العظيم يومئذ المستقر الى ربكم اللي انعم عليك وانت عصيته الى ربكم اللي نهاك وانت ما انتهتش الى ربكم اللي امركم وانت ما قطعتيش - [00:21:34](#)

الى ربكم اللي اقبل عليك وانت اعربت عنه. الى ربكم يومئذ المستقر. تخيل الانسان ساعتها متساء بقى سائق وشهيد مسكن وماشيين. انت مودينا فين ده هتتسأل قدام ربنا سبحانه وتعالى. طيب انا مش خايف. انا ماشي معك اهو ما حدش يزقني. الهي يا ربكم يومئذ المستقر. ينبا - [00:21:52](#)

يومئذ بما قدم واخر. وهو قاعد غلبان كده يا عيني. قاعد غلبان. والصحيفة بتاعتته قاعدة تقرأ تقرأ عليه. انت عملت كذا وعملت كذا وعملت كذا. يا نهار ايض ابيض! ايه ده! طب انا هاروح فين من عاقوبة المعاصي اللي انا عملتها دي! ينبا الانسان يومئذ بما قدم واخر. هيتقاول لك اللي انت عملته. واللي كنت بتعمله - [00:22:12](#)

واللي كنت ناوية تعمله هيتقاول لك اللي انت عملته واللي كنت بتعمله ساعة الموت واللي انت كنت ناوي تعمله. بما قدم واخر. لو شاب كان ناوي يقول لك بس بييجي الصيف - [00:22:32](#)

بس وشوفوا بقى لعن ادركت الصيف لترین مارينا والساحل الشمالي وراس البر ما اصنع لان ادركتم اجازة نص السنة ليرين شباب كلهم ما اصنع تخيلوا بقى والبنت اللي في سانوية عامة لان ادركت الجامعة انا بس هدخل الجامعة انا بس اجيب بس ولو حتى

خمسين في المية في السانوية العامة وادخل - 00:22:42

الجامعة ليرين بنات البلد بتاعتي كلها ما اصنع بما قدم واخر باللي عمله واللي كان لسة ناوي يعمله. نوايانا ايه؟ قلوبنا دي ناوية على ايه؟ قلبك عزيته انه هي عمل ايه في الليام الجاية؟ قلبك بيتمنى ايه؟ وجهت قلوبنا ايه يا جماعة؟ ينباً الانسان يومئذ بما قدم واخر بعد ما يقعد - 00:23:02

بقى ينباً وهو خلاص بينهار مش قادر. مش قادر لما يتطلع للصحيفة بتاعته. بل الانسان على نفسه بصيرة ولو القى معاذيره. لما بينهار بقى ويكي يقعد يتولى. طب خلاص طب ما علهش بل الانسان على نفسه بصيرا. انت عارف - 00:23:22  
انت عارف انك لما عصيت ربنا رينا قفل لك صدرك قد ايه. وعشت في اكتئاب وضيق وخنقه قد ايه. وكانت الدنيا سودا في وشك قد ايه. و كنت تدخل في مشكلة - 00:23:42

منها على مشكلة تانية ازاي؟ انت عارف ان كل حاجة قفلت في وشك لما عصيته. وانت عارفة لما انت قطعتيه شرحت لك صدرك قد ايه؟ وحبب فيك اللي حواليك قد ايه ويسير لك امرك وطريقك قد ايه. ونور لك بصيرتك قد ايه. وحسسك بسعادة قد ايه. ورزقك بعطاءات في الدنيا قبل الآخرة قد ايه - 00:23:52

انت عارف من الانسان على نفسه بصيرة. انت عارف كوييس اوبي. نار الدنيا كانت بتعمل ايه؟ ازاي ما تعملش حسابك للنهار الاخرة؟ ازاي ما لکش عزر حجة لها وزر. ما حدش ينطق. ازاي؟ ده نار الدنيا بنت عندها عشرين سنة في قسم الحروق في مستشفى الجامعة وربنا يعافينا يا رب. البنت شعرها اتحرق - 00:24:12

الشوية اتحرق. واحد زميلنا داخل بيطبط عليهما فيبيقول معلش يا حبيبي. المرضة قالت له شل ايدك. ده بنت عندها عشرين سنة. ما هيشه ولد. ما عدش عارف دي بنت ولا - 00:24:32

ولد عشان خمس سوانى خمس سوانى ده لو كانت نص دقیقة ما كانتش وصلت مستشفى اصلا. كانت تفهمت والعياذ بالله. انما خمس سوانى في نار الدنيا ادت الوضع. امال نار الاخرة انت عارفة كوييس اوبي كانت نار الدنيا بتعمل ايه. بل الانسان على نفسه بصيرة. ولو القى معاذير هتعذرلها بايه؟ لا تعذرلها - 00:24:42

هتقولوا ايه؟ انت عارف كوييس اوبي ان ايه كان الحلال وايه الحرام؟ ما تجادلنيش. انا ما كنتش اعرف ان الحجاب ده فرض. ما كنتش اعرف. ما كنتش اعرف - 00:25:02

ان العلاقات دي محمرة في الاختلاط بين الولد والبنت او الرجل والمرأة. انا ما كنتش اعرف ده انا كنت باحسب التدخين مكروه. ولو التدخين كان مكروه. تخيل انت بتتحب حد - 00:25:12

والحد ده بيكره حاجة. لو عملت يوميا عشرين حاجة هو بيكرهها. يحبك؟ لا يمكن. طب لو التدخين ده مجرد مكروه؟ يعني ربنا بيكرهه كل يوم عشرين سيجارة. دي غير باب الانفاس بقى. تخيل بيقى انت بتتحب ربنا. او كنت حريص على حب ربنا. او كنت حريص على اقامة - 00:25:22

علاقة قوية وصلة قوية مع الله سبحانه وتعالى. بل الانسان على نفسه بصيرة. انت عارف كوييس قوي. عينك دي بصت لايده. واتفرغت بها النهاردة على ايه ودنك دي سمعت ايه؟ وايدك دي اتصلت برقم مين على المحمول وكلمه. ولسانك ده اتكلم مع مين ليلة بل ليالي كاملة مع مين؟ والفجر - 00:25:42

في وسط المكالمة ما تقومش تصلي لربنا في خمس دقائق ادان الركعنين بتوع الفجر. انت عارف وانت عارفة كوييس اوبي شعرك ده ياما زمان او الوقتي او لسة كده عصيت ربنا به قد ايه؟ ومكياج وشك ده عصيت ربنا به قد ايه؟ انت عارفة كوييس اوبي، انت عصيت ربنا قد ايه؟ اداك الجمال عصيتيه به. بل الانسان على نفسه - 00:26:02

لو القى معاذيره. انت بصت لها ليه؟ اصلها كانت حلوة يا رب. هو ده عذر! هي دي حجة! ما هيشه حجة يا جماعة طب نعمل ايه يا رب؟ طب نروح فين يا رب؟ طب نتصرف ازاي؟ يا رب طب طب طب طب نرضيك ازاي؟ طب ده يوم القيمة اللي طلع صعب جدا. طب ننجو من اهوال اليوم العظيم ده ازاي - 00:26:22

خمسين الف سنة. ده انا لو قعدت اقول لكم الوقتي سنة سنة خمسين الف مرة كلكم هتنقلوا التليفزيون وتقوموا ما حدش هيصبر على كلمة سنة انها تتقابل خمسين الف مرة. ما بالك انك هتعيش سنة سنة يوم يوم ساعة فيهم. ما بالك - 00:26:42

احنا مستهترین بيوم الحساب ليه ؟ طب الحل ايه يا رب ؟ طب دا انجو ازاي خلاص يا رب ؟ احنا سلمنا. انا انا عايز بس مش قادر بس انا يا رب لو يعني لو انت اديتنى علاج يا رب - 00:27:02

لو اكتب لي روشتة وعرفت علاجي ايه ؟ انا يا رب والله العزيم انفهزها. وانا والله يا رب. لو انت عرفتني علاجي ايه ؟ انا هانفهزها يا رب. وهابقى عندي عزيمة في دينك يا رب - 00:27:12

ايه العلاج يا رب ؟ لا تحرك به لسانك لتعجل به. اللي هو ايه ؟ القرآن! القرآن هو العلاج! اه بس مش الاية دي كان ربنا بيكلم النبي لا لا لا ده بيكلم النبي ويبيكلمنا احنا ورا النبي. بيقول للنبي سب القرآن ينزل على قلبك قبل ما تحفذه. سبه الاول ينزل على قلبك. قبل ما تهتم انك تبلغه للصحابة - 00:27:22

ربنا بيقول لي وبيقول لك وبيقول لك سيبوا القرآن ينزل على قلوبكم يا جماعة. يا جماعة القرآن هو العلاج بتاعتنا. شف الرسول عليه الصلاة والسلام بيقول ايه في الحديث الصحيح. ركي معي او اي - 00:27:43

او اي في الحديث ده. ركز معي بقلبك. انا عايز كل واحد منكم الوقتي قلبه معي. قلبه ما يفكروش في حاجة تانية. انا عايزك تركز معي في الكلام ده. ربنا بيقول وما كنا معذبين - 00:27:53

حتى نبعث رسولا. احنا بنسمع الكلام عشان نقرب يا جماعة. اسمعي معي. وان صاحب القرآن يلقى صاحبه حين ينشق عنه قبره. وهو طالع كده من تحت القبر والقبر اتشق والتراكب اتنفض ويلاقى نفسه طلع لقى - 00:28:03

واحد في وشه هو مرعوب طبعا. الشمس على بعد ميل والظلمات وما هوش شايف حاجة. والدنيا ضلعة وسامع اصوات صراخ يمين وشمال. وما هوش عارف هو فيه ايه. يلاقى في وشه كده واحد - 00:28:19

قل له من انت؟ هو لسة طالع اهو انت لست طالعة انت لست تحت القبر تلاقي واحد في وشك. من انت؟ فيقول له الا تعرفي؟ انا صاحبك القرآن. انا صاحبك اللي كنا ماصحبين بعض في الدنيا. زي ما الاتنين الاصحاب ماشيين مع بعض كده. زي ما - 00:28:29

بيمشوا مع بعض في الجامعة كده. انا صاحبك القرآن. انا اللي كنت بتتصلي بي قيام ليل بالليل. انا اللي كنت بتقرأ ورد القرآن بتاعتك كل يوم بالنهر ما تنسا هوش ابدا - 00:28:48

انا اللي كنت بتحفظني في الدنيا وكان صدرك مليان بياطي. انا اللي كنت فاهمني وبتطبقي وبتعمل بي. انا صاحبك القرآن مش هسيبيك. ده انا من اول في يوم القيمة من اول ما انشق عنك قبرك انا واقف مستنيك اهو هات ايدك. انا معك. معك وانت عملك بتتوافق على الميزان. انا معك النهاردة وانت بتتعدي من على الصراط - 00:28:58

انا معك وانت داخل تعرض على الله. انا معك وانت بتعرض على النار حجاب لك من النار. انا معك معي لغاية امتى؟ هتفضل معي لغاية امتى؟ ها ثم يقال اقرأ القرآن وارتقي ورتل - 00:29:18

فان منزلك عند اخر اية كنت تقرأها. ايه ده! اقرأ وارتقي ورتل دي! دي بتتقابل امتى! ده اخر لحظة في القيمة بقى واحنا طالعين في الجنة في درجات الجنة ان شاء الله. الله! يعني القرآن من اول لحظة حين ينشق عنك قبرك لآخر لحظة وانت بتطلع في درجات الجنة ما سباتها - 00:29:33

خمسين الف سنة الله اكبر. انا عرفت الوقت يا رب ليه انت زكرت واتكلمت عن القرآن في وسط سورة القيمة؟ لأن في وسط سورة القيمة. لأن من احوال القيمة بالقرآن. انا كده عرفت يا رب عرفت الروشتة. يا جماعة انا عايز الكلمة اللي انا قلتها دلوقتي ديت كل واحد انت وانت تكتبوها وتعلموها - 00:29:53

في الاوضة عندكم وتفضلو تفتكروها. كلمة ايه انت قلت دلوقتي كذا كلمة. كلمة فان منزلك عند اخر اية كنت تقرأها. ايه ده! ايه الكلام الخطير ده! ايه الكلام اللي ما يتعداش ده! منزلك عند اخر - 00:30:13

كنت ايه تقرأها يعني مش كنت تقرأها يعني كنت مداوم على قراءتها يعني مش مش برة قريتها اية لا ده انت كنت دايما كل ما تخلصي ورد المصحف ترجعى بقى تبدأي الخاتمة من اول وجديد. تخلصي المصحف ترجعى الخاتمة من اول وجديد. فالآيات دي كنت بتقريرها طول عمرك على - 00:30:28

طول الليل كانت في صدرك فان منزلك عند اخر اية كنت تقرأها يا رب يا رب النبي عليه الصلاة والسلام ادانا مفتاح الآخرة خلاص ادانا مفتاح الفردوس الاعلى خلاص القرآن طول ما احنا مع القرآن اه لو قرينا القرآن بقلب مفتوح اه جبیر بن مطعم المشرك اللي كان مشرك - 00:30:48

بعد غزوة بدر يروح للمدينة عشان يفدي قصارة بدر. يوصل هناك والنبي عليه الصلاة والسلام بيصلّي صلاة المغرب بالصحابة. يسمع سورة يسمع سورة الطور بيقول حتى اذا وصل رسول الله صلى الله عليه وسلم الى قول الله ان خلقوا من غير شيء ام هم الخالقون؟ حصل ايه - 00:31:07

فكاد قلبي ان يطير. قلبه وهو مشرك يطير. في رواية مسنّد احمد رواية البخاري. كاد قلبي ان يطير. في مسنّد احمد فكانما صدع لها قلبي. كان قلبي اتشق نصين. ليه؟ كان قلبي مفتوح. في رواية تانية - 00:31:27

فظننت اني ساقوم من مقامي قبل ان يتنزل علي العذاب في مسنّد احمد ابن جبیر ابن مطعم اسلم يوميها. اسلم! اسلم يعني ايه؟ يعني غير مسار حياته بسبب سورة من القرآن ساحة؟ هو القرآن نازل عشان يغير مسار حياته - 00:31:47

القرآن نازل عشان يعمل انقلاب في حياتك. القرآن يا جماعة نازل عشان يقلب حياتنا. لو انت قربت القرآن وحياتك ما اتغيرتش وما اتكلبتش. يبقى انت لسة ما فيش القرآن. لست ما وصلتش للسما - 00:32:03

ياه ياه لو قرينا القرآن بقلب مفتوح ياه! ياه! ده النبي لما جهر بسورة النجم. وابو جهل واقف. وابو لهب واقف. وامية ابن خلف والملعون عقبة ابن ابي معيط وعقبة ابن ربيعة وشيبة ابن ربيعة وصناديد الكفر الملاعين دول كلهم واقفين - 00:32:13

قرأ سورة النجم لغاية ما وصل لآخرها فاسجدوا لله واعبدوا. مشركي مكة كلهم نزلوا مرغوا جبينهم ومناخيرهم في التراب لربنا من كتر ما حسوا بعظمة القرآن نزلوا خروا ساجدين لله سبحانه وتعالى. القرآن يا جماعة لو قلبنا اتفتح عليه هيغير حياتنا هيقلب حياتنا. وفوق - 00:32:30

كل ده هنيجي يوم القيمة في احوال القيامة انا صاحبك القرآن. انا نفسي ان ده بيقى ده في حياتك نفسى ان ده بيقى حلم حياتك يا حبيب قلبي. يا حبيب قلبي. انت لست شاب صغير او انت اب او والد كبير او انت يا امي او انت يا اختي او انت يا بنت يا صغيرة او - 00:32:50

يا بنتي يا جماعة انا صاحبك القرآن ده حلم حياتنا. ان ساعة ما نطلع لانك انت لو ما لقيتش انا صاحبك القرآن. لو طلعت من القبر ما لقيتهوش - 00:33:07

هتلacci مين سائق وشهيد مستنيينك بيقى هو ده املنا في النجاة. املنا في النجاة يوم الدين هو القرآن كلّا ايه يا رب! مش ده اللي بيحصل مش ده اللي انتم بتعملوه! امال بنعمل ايه يا رب! بل تحبون العاجلة. بقلوبكم مليانة حب للي يومين وختلص وهتروح - 00:33:17

وتلاؤنا نفسكم قدام الحساب. وتذرون دى كلمة زهد بتسيبوها. بتزهدوا فيها. ما بتفكروش فيها. خلاص مش في دماغنا. مش في دماغنا الاخره مش في دماغنا غير الدنيا واحلام الدنيا وشهادات الدنيا واموال الدنيا. وجوه يومئذ ناضرة ووجوه يومئذ باسرة. ايه ده! ده ايه يا رب! ده - 00:33:35

ده نهاية يوم القيمة بقى النهاية بتاعة يوم القيمة. ان الوشوش بقت نوعين. يعني على يوم القيمة يعني بعد مسلا اربعين خمسة واربعين الف سنة كده من يوم القيمة خلاص الوشوش هتبقى كلها نوع من اتنين - 00:33:55

وجوه يومئذ ناضرة منورة كده وفرحانة. ليه الى ربها ناظرة. عارفين لما الطالب يروح كده يشوف النتيجة يقوم بيص كده يلاقى نفسه طلع الاول الاول ايه ده او طلعت من الاول الاول انا نجحت انا طلعت من الاول الاول الله اكبر الحمد لله ويجري ويفرح وتلاؤني وشه نور

ويدخل على اهله كده انت وشك - 00:34:07

منور كده وفرحان. انت شكلك بالتأكيد جبت مجموع كبير. عرفوا منين ؟ الوش بان عليه. وجوه يومئذ ناضرة فرحانة منورة مشرقة.  
ليه ؟ الى يا ربها ناظرة. نظرك لوجه الله. حلم حياتنا يا جماعة. حلم حياتنا يا اخوانا جميعا. والى ربها ناظرة - 00:34:27

انك انت تبصي لوجه الله. انك تبصي لوجه الله. ده العلماء اعوذ بنور وجهك الذي اشرقت له الظلمات. تخيل كده نور وجه الله ده كده  
وانت بتشفوه لالو مرة. تخيل جلال وجه الله. يا رب لك الحمد كما ينبغي لجلال وجهك. ده - 00:34:47

بتوع الفلك لما ربنا علمهم التلسكوب. وبصوا بالتلسكوب فشافوا الفلك. شافوا جلال ملکوت الله. علماء الغرب بتوع ناسا الكفرة. قالوا  
هذا مجال من يدخل فيه اللي هو مجال الفلك اللي هو ملکوت الله ده والنظر فيه اما ان يصاب بالجنون واما ان يخر ساجدا لله هذا  
الكون وخالق هذا الكون - 00:35:02

يعني لما ربنا كشف بس للعلماء عن جلال ملك الله قالوا ان واحد ممكن يتتجنن فما بالك بجلال وجه الله مش جلال ملك الله بقى جلال  
وجه الله. ما بالك بجمال وجه الله! ما بالك بنور وجه الله - 00:35:22

ده نور وجه حورية لما تضحك تنور الجنة كلها. ده نور وجه الخالق سبحانه وتعالى. عشان كده الى ربها ناظرة.  
لما تشويف لذة النظر لوجه الله خلاص تفضل تنظر لله وهي فرحانة وسعيدة الحمد لله يا رب. اللهم لك الحمد يا رب. خمسين الف سنة  
واقفين في ارض المحشر. شعارهم - 00:35:40

كلهم نزيد ان نرى ربنا كما صح عن رسول الله صلى الله عليه وسلم. في البخاري ومسلم. عايزين نشوفك يا رب نشوفك ازاي يا رب؟  
عايزين نشوفك يا رب. ففي الآخر بقى ربنا يمن - 00:36:00

يشوفوه سبحانه وتعالى. ووجوه يومئذ. النوع الثاني. ووجوه يومئذ باسرة. يعني ايه باسرة؟ باسرة. عارفين الاطفال المبتسرين اللي  
بيتولدوا مصفوطين مسخوطين كده اهو باسرة الوش مصفوط. مسخوط. الخدين منخسفين وداخلين لجوة. الدموية رايحة من  
الوش. اللون منتزع. الرعب - 00:36:10

السود على الوش وجوه يومئذ باسرة. ليه؟ تظن ان يفعل بها فاقرة. يعني ايه فاقرة؟ فاقرة يعني ضرب العمود الفقرى تكسره.  
طب يعني ايه لما العمود الفقرى يتكسر في الدنيا اللي العمود الفقرى بتاعه بيتكسر ربنا يعافي مرضى المسلمين. بيصاب بالشلل  
الكامل الرباعي. الشلل - 00:36:30

كامل. يعني يعني ايه يفعل انه تظن انه يفعلنها فاقرة؟ يعني عارفة ان هييجي مatum من مقامع الحديد هيضرها في عمودها الفقرى  
يكسره. او هييجي سلسلة من سلاسل النار تخططها في عمودها الفقرى تكسره. او هتسحب على وجهها وهي بالقوم. يعني ايه فاقرة؟  
طب وهو يظن كده ليه؟ اصل هو شاف - 00:36:50

انت الوقتي لو سمعت صوت واحد في القبر بتاعه الوقتي بيتعزب على معصية انت بتعملها قلبك هيقف لو انت سمعت صوت واحدة  
بتتعزب في قبرها على معصية انت عملتها النهاردة لا يمكن تعليمها تاني. ما بالك ان ده يوم القيمة ماشي يوم القيمة - 00:37:09  
ماشي يوم القيمة يشوف قدامه ده بيتسحب على وشه للنار والعياذ بالله. ايه ده! ده كان بيعمل نفس المعاصي اللي انا باعملها.  
ده وهو بيعدى من قدامه على الصراط - 00:37:29

طلع لسان لهب خده الى قاع جهنم. ايه ده! ده كان بيعمل نفسه معصية. وده بيتعلق من على الصراط ويقوم يقع وفي الآخر هوا  
في النار والعياذ بالله. وده وهو خارج من - 00:37:39

العرض على الله خرج يا ليتنى لموت كتابيا. ولم ادرى ما حسابي. خذوه فغلوه. يصدر الامر ان الملك انه يقبض عليه ويلقى به في في  
جهنم كلمة شفير جهنم شاف ان اللي عصوا ربنا زي ما هو عصاه شافها اتعمل فيهم ايه وشاف ده والعرق لجمهور لغاية ما خلاص مش  
 قادر يتكلم ولا قادر يعمل حاجة - 00:37:49

هو اللي قادر ياخذ نفسه من كتر ما العرق لجمه. ايه ده! تظن ان يفعل بها فاقرة. ليه؟ لانه شاف اللي عصوا ربنا سبحانه وتعالى اتعمل  
فيهم ايه؟ فهو عارف طب ما انا عصيت نفسي المعاصي ديت - 00:38:09

كلا كلامه كلا كلام ده غضب الملك غضبان زي ما قلت لكم في اول السورة لا اقسم. الملك غضبان غضبان ليه؟ غضبان من اصحاب النفس اللوامة طب انا هاعمل ايه يا رب؟ يعني ايه هتعمل ايه؟ يعني ايه ده خلقك. ورزقك وانعم عليك. واداكي بس قولي يا رب - 00:38:21

بس انت قولي يا رب. قولي له يا رب انا عايزةك يا رب انا عايزةك اختارني يا رب. قل له يا رب انا عايزةك ومش قادر على نفسي يا رب. انا عايزة اقرب منك كمان يا رب. يا رب قربنا منك يا رب - 00:38:39

يا رب خذ بنواصينا اليك يا رب. يا رب طهر قلوبنا يا رب. يا رب املاً قلوبنا من نورك ومن الایمان واليقين يا رب يا رب اعنا على شهواتنا وعلى الشيطان يا رب. قومي قومي صلي ركتعين. قومي اتوطي الوقتي. وصلی ركتعين واسجدي له. قولي له يا رب انا مش قادرة على نفسي. انا حاولت ومش - 00:38:51

على نفسي ما عادش لي امل غيرك انا جيت لك واقفة على بابك. وباقول لك عيني على نفسي اهديني يسر لي طريقي اليك يا رب. قم صل قيام ليل وابكي من ايديك - 00:39:10

وما تسيبتش الصلاة غير ودموعك نازلة من على وشك. وانت بتقول له انا من غيرك ضابع. ما ليش قيمة. ما فييش معنى لحياتي. حياتي كلها وهم ما لهاش اي قيمة من - 00:39:20

يا رب كلا اذا بلغت التراقي. ايه اللي بلغت التراقي؟ الروح. ايه ده! هو ربنا بيتكلم دلوقتي عن ايه؟ عن خروج الروح. خروج الروح اللي هو الايه؟ الموت؟ طب يا رب طب ما كنت بتتكلم عن الموت قبل - 00:39:30

بتتكلم عن القيامة. لا ده ربنا بيجيب لك اخر السورة بقى اخر مشهد لك في الدنيا. وانت نايم على فراش الاحتضار. كلا اذا بلغت التراقي والروح بتتسحب من الرجلين من الصوابع من الفخذين من البطن من الصدر من الالايدين من الكتفين لغاية ما توصل للنقطة دهي. اللي ما - 00:39:43

القوتين دهم العضمتين اللي بالعرض دول. لغاية ما توصل للنقطة دي. كلا اذا بلغت يعني وصلت خلاص. لو طلعت كده خلاص هترجع ازاي تاني؟ كلا اذا بلغ التراقي وصلت لهذه النقطة. روحك بقت هنا. وانت نايم وخلاص رجليك بدأتك تدلك. فاللي حواليك بدأوا يحسوا رجليه اتلجت. رجليك ما عادتش - 00:40:03

ايديه ما عادتش بتتحرك ليه؟ هو ما له؟ هو حصل له ايه؟ وقيل من راق. مين ييجي يرقيه بسرعة؟ مين ييجي يعمل اي حاجة؟ اجرعوا اتصلوا الدكتور اجرعوا هاتوا عربية اسعاف. اجرعوا اتصلوا بالمستشفى. من راق. حد ييجي ينجدنا. اللي حوالينا بقوا مرعوبين وملهوفين بيحبوك ومش عايزين يسيبوك - 00:40:23

متمسكين بك بس انت بتتسحب من ايديهم غصب عنهم. والملائكة برضو تقول من راق. يعني ايه؟ الملائكة تقول من راق يعني ايه؟ يعني مين اللي هيرقى به؟ ملائكة الرحمة ولا ملائكة - 00:40:43

يعني روحوا لما هتطلع مين اللي هيركب روحه ملك الموت لما هينزع روحه. مين اللي هيأخذها من ملك الموت؟ ملائكة الرحمة اللي وجوهها كانها الشمس مشرقة ولا ملائكة العزاب اللي هي سود الوجه ومعهم مسوح من مسوح النار كفن من جهنم يتلف فيه روح المعذب والعياذ بالله. مين اللي هيرقى به؟ ملائكة - 00:40:53

الرحمة اللي هتطلع به سبع سماءات كل ما يطلع لباب من ابواب السماء يتفتح له. عشان روحه تطلع الى الله سبحانه وتعالى. ولا ملائكة العذاب اللي هتاخده وتطلع به للسماء - 00:41:13

فلا يفتح له ابواب السماء حتى يلجه الجبل في سم الخياط. ثم يطرح الى الارض طرحا والعياذ بالله. مين اللي هيرقى به؟ مين؟ مين اللي هيرقى بك مين اللي هيركى يا جماعة؟ مين اللي هيرقى بهذه الروح؟ مين اللي هيرقى بروحك؟ ملائكة الرحمة ولا ملائكة العزاب؟ مين وانت بتموت كده لما هتبص هتلاقيه قدامك دول ولا دول - 00:41:23

مين وانت طالع من قبرك هتلاقيه قدامك دول ولا دول؟ مين يا اخوانا احنا عايزين نقط الآخرة بين عينينا هنا هو. يعني عينينا دي تفضل ما تبصش غير عليها عشان نوصل - 00:41:44

ربنا سبحانه وتعالى عشان نصل الى الله سبحانه وتعالى. كلا كلا اذا بلغت الترافق وقيل من راق وظن انه الفراق بس كل اللي حواليه  
يبيقولوا حد يرقيه ولا حد ينجده. وهو عارف ان هو الموت - 00:41:54

انت نايم ساعتها وانت عارف ان هو الموت لا محالة. عارف ان هو ده الاجل. ده انت روحك بقت هنا. خلاص بقى. مين ايه ودكتور ايه  
خلاص ما عدش ينفع - 00:42:13

ظن انه الفراق عرف ان هو الموت. بس شوفوا ربنا بيقول ظن انه الايه؟ الفراق. الفراق ده لما يكون اتنين حباب او اي اوبيا  
بعض في كل واحد فيهم قلبه بيقطع على الثاني فراق. فراق. الفراق ده بعد الاحبة. انما الهجر او ده ده بعد الكارهين. انما -  
00:42:23

ده بعد الاحبة يا جماعة. بعد الاحبة بيبص نايم على فراش الموت وبيتص حواليه. للبيت اللي بناه بعمره وبشقى عمره.انا هسيبيك انا  
انا ارتبط بك انا ارتبطت بالبيت ده بس النهاردة هنام في بيت تاني خالص. بتص للعشش اللي فرشه بعمره كله هيسبيه. بتص لمراته  
اللي بيحبها. ما هواش عايز يسيبها بس - 00:42:43

سبها غصب عنها وعنها بتص لولاده فلزة كده وهم بيعيطوا وهو قلبه بيقطع هيسبيكم غصب عنى ما اقدرش. ده حكم الملك سبحانه  
وتعالى بتص لاصحابه والاخوان لهم واقفين حواليه هسيبكم غصب عنى. بتص للشهادة المتعلقة على الحيطة اللي قعد سنين طويلة  
يحصل فيها. هيسبيك - 00:43:03

غصب عنى خلاص ظن انه الفراق هيسبيب الدنيا وهيسبيب متاحها وهيسبيب شهواتها وهيسبيب كل حاجة ارتبط بها في الدنيا. وظن  
انه الفراق والتفت الساق بالساق وظن انه الفراق. والتفت الساق بالساق. لما يظن ان هو الفراق يبدأ رجليه تلف - 00:43:23  
حوالين بعضها يبدأ جسمه ينكمش يبدأ يحس انه خلاص ما عدش مرعوب. ده انا ده انا تلات ساعات ولا ساعتين وهنام تحت تحت  
الارض وهنام في بيت جديد كنت باعدي من عليه في الدنيا بس ما كنتش بابص له. اول مرة هابص. اول مرة هاسكن فيه ده انا ده انا  
مش هابص له. ده انا هاسكن فيه. وظن انه الفراق والتفت الساق - 00:43:43

بدأ جسمه ينكمش. وبدأ جسمه يدخل في بعضه. وبدأ يحس ان هو ما هوش قادر يعمل حاجة. ما هوش قادر. هي عمل ايه؟ هي خططي  
خطوة لقدم. هي خططي خطوة لقدم ازاي؟ ده هو مرعوب من الآخرة. هيرجع خطوة لورا مرة واحد والله قال لي. قال لي والدي مات  
انا شفت بعد ما مات انه معدى من على كوبيري كده كوبيري على الماية قام - 00:44:06

رجليه لفة في بعضها. فقام واقف ما هوش عارف يمشي قلت الله اكبر. والتفت الساق بالساق. ده عمل ايه ده؟ ده كل ورس يتامي ولا  
كل ربا ولا كل حرام ولا عمل - 00:44:26

ايه وهو بيعدي من على الصراط تلف الساق بالساق خلاص. ولو نشاء لمسخناهم على مكانهم. يتمسخ على مكانه. زي ما يلتف الساق  
بالساق كده. يقف على الصراط. فما استطاعوا مضيا ما يقدرش يكمل. هيكمي ازاي؟ ما هو خلاص الطريق قدام ضلعة. ولا يرجعون  
هيرجع ازاي؟ ده هو اتجاه واحد يبقى الحل انه - 00:44:36

في جهنم والعياذ بالله والتفت الساق بالساق الى ربك يومئذ المساق. مشهد الجنائز مشهد بعد ما مات خلاص الروح طلعت جنازة فوق  
في السماء. مشهد بعد ما الروح طلعت واتغسل - 00:44:56

وتكون كفن ما لوش جيوب ما فيش فيه جيب يتحط فيه فلوس ما فيش فيه جيب يتحط فيه موبايل حد يرين لك ولا يرين لك  
يونسنا في العزلة دي. ما فيش فيه جيب يتحط فيه اي ام بي ثري ولا حاجة الواحد يسمع يسمع اي اغنية - 00:45:13

خلاص الى ربك يومئذ المساق والجنائز ماشية. وهو متشار على الاعناق. والله اعلم. والناس ماشية عايزه تضعه في التراب وتتراجع  
الله اعلم هو بيقول قدموني قدموني ولا بيقول يا ويelaها اين تذهبون بها؟ الى ربك يومئذ المساق متشار على الاعناق - 00:45:27  
الى حيث يلقى جزاء كل عمل صالح او عمل سيء عمله. الى ربك يومئذ المصائب فلا صدق ولا صلى جاي مفلس جاي معهوش رصيد.  
ما اهتمش ان هو يعمل رصيد. ما اهتمش ان هو يشحن رصيد. فلا صدق ولا صلى. ربنا بيقول ايه في اخر السورة؟ بيقول ايجيب -  
00:45:47

الانسان ان يترك سدى ايحسب الشباب ان يتركوا سدى ايحسب البنات ان يتركوا سدى؟ ايحسب الاباء والامهات ان يتركوا سدى؟

احنا فاكرينها لعبة يا جماعة احنا فاكرين الدنيا لعبة احنا مش جايدين نلعب - 00:46:08

والله العظيم احنا مش جايدين نلعب. المظاهرات اللي بتتعمل بعد ماتشتات الكورة الايام دي بمناسبة انتصار مصر. الانتصارات التاريخية بتاعة مصر في الكورة المظاهرات اللي بتتعمل للفجر دي ما اتعلمتش من الشباب لما النبي اتشتم في الدنمارك - 00:46:24  
ومش هتعامل من الشباب لما الفيلم الهولندي اللي عايزين يحرقوا فيه المصحف ويشتموا في الاسلام اتعمل. المظاهرات دي ما اتعلمتش يا جماعة. ما اتعلمتش ليه؟ ليه عاطفية تجاه الدنيا اعظم واكبر من عاطفتنا تجاه الدين. ايحسب الانسان ان يترك سدى ذي ما رينا بيقول كده. وكم قسمنا من قرية كانت ظالمة اتقطمت - 00:46:39

وانشأنا بعدها قوماً آخرين. اي ده اتقطمت! فلما احسوا بأنسنا اذا هم منها يرقدون. اول ما حسوا ان عقوبة المعاصي بتتنزل السنة بتتنزل السما بدأت بطل حجارة ولا حاجة. الارض بدأت تضطرب. فيه ملايكة بدأت تتشاف. اذا هم منها يركضون طلعوا يحرروا يحرروا يحرروا. لا تركضوا وارجعوا الى ما - 00:46:59

ومساكنكم لعلكم تسألون. وينزل كل مجموعة من الملائكة على واحد من العصاة وال مجرمين اللي بيجرم تدور معركة بينه وبينهم غير مرئية ما حدش فيسقط جثة هامدة لا ترقدوا وارجعوا الى ما اترفتم في الملائكة بتقول لهم تعالوا. انت رايج فين يا حبيبي؟ انت رايج فين يا حبيبي؟ وارجعوا الى - 00:47:19

اترفتم فيه ومساكنكم لعلكم تسألون. قالوا يا ويلنا انا كنا ظالمين. طب خلاص والله معلش. فما زهلت تلك دعواعهم حتى جعلناهم حصيداً خامدين. الموقف انتهى يا جماعة والقرية كلها بقت جسس جميلة على الارض. التعليق اللي نازل من فوق سبع سماءات ايه! التعليق الرباني ايه! وما خلقنا السماء والارض وما بينهم وما لاعبين - 00:47:39

انتم كنتم فاكرينها لعبة؟ اللي ضيع تسعه وتسعين في المية من البشر انهم كانوا فاكرينها لعبة اللي ضيع ناس كتير اوي اللي ضيع رجال كتير اوي ونساء كتير اوي النوم كانوا فاكرينها لعبة - 00:48:03

انهم كانوا فاكرين انهم جايدين الدنيا دي يلعبوا الدنيا دول يعملا لقمة على مزاجهم. ايحسب الانسان ان يترك سدى؟ الم يكن نطفة من مني يعني؟ ثم كان علقة ده انت كنت علقة اتنين سنتي في جدار الرحم. ده انت كنت علقة اتنين سنتي في جدار الرحم - 00:48:17

احنا كنا عرق يا جماعة وقبلها كنا نطفة. نطفة عارفين زي الصفادع اللي بتبقى لسه ديدان كده بتجري في الماء قاعدة تجري في الماء كده. كان الواحد نطفة زي دي كده. وبعد كده - 00:48:36

علاقة اتنين سنتي متعلقين في جدار الرحم. الم يكن نطفة من مني يعني ثم كان علقة رينا بيقول لك انت افتك انت كنت ايه؟ افتك انت كنت ايه؟ يا اللي بتعصوا ربنا. يا اللي اتفتنتوا بالمعصية. يا اللي رينا اداك جمال ولا - 00:48:46

حاجة وبقيت ممسلة ولا بقىتي مغنية وقاعدة تفتن شباب المسلمين ليل نهار وانت كنت علقة وكتن نطفة يا حوت يا اللي قاعد تأكل اموال المسلمين ليل نهار. تأكل حرام وتبلغ ربا وتأكل رشوة وتسرق. وتدوس بجزمتك على رقبة الغلابة - 00:49:03

انت كنت علقة وكتن نطفة. يا شاب يا اللي قاعد من ساعة ما بتتصحي لغاية ما تنام. تكلم دي على المحمول. وتقابل دي برة وتبصر لディ وتتكلم دي وتمسك ايد دي والسلسلة بعد كده معروفة. ده انت كنت حنة نطفة وحنة علقة. يا بنتي يا اللي ماشية عاملة شعرك بميت جنيه عند الكواifer - 00:49:22

ولابسة طقم والعياذ بالله مرات ابو جهل ومرات ابو لهب ما كانواش يقبلوا ان هم يمشوا به في الشارع في شوارع مكة. وماشية فرحانة ان ده بيبيص لك وده بيتفتن - 00:49:42

وده بيتجرج على جهنم بسببك. ده انت كنت حنة نطفة وكتن حنة علقة. يا اللي ظالم لمرالك ويا اللي ظالمة لجوزك. ويا اللي واكلين في بعض وايه اللي واكلين مال اليتامي ويا اللي ناسيين اخرتكم ويا اللي سادرين في غيركم ويا اللي مستهترین بالقضية ويا اللي فاكرين ان ركعتين بتخطفوهم - 00:49:52

كل يوم وخلاص بسرعة كده وقلوبكم بتفكر في الدنيا. كفاية قوي على رينا. ده انتم كنتم حنة نطفة. كنتم حنة علقة. ايحسب الانسان

ان يترك الم يكن نطفة من مني يمنى - 00:50:12

ثم كان علقة فخلق فسوى يجعل منه الزوجين الذكر والانثى. اليش ذلك بقادر على ان يحيي الموتى؟ اليش ذلك بقدر؟ بل قادر ربنا مش قادر انه ينفر كل كلمة قالها في السورة ربنا مش قادر انه يعمل كل كلمة قالها في السورة مش ده كلام الملك العظيم يا جماعة بل قادر يا رب قادر - 00:50:27

يا رب اتقفل اتقفل الفيلم بتاع الصورة دلوقتني يا جماعة. اتقفل العرض الحي اللي احنا كنا فيه دلوقتني يا جماعة تفاجأ انك لسة في الدنيا. هتفاجئي ان مشهد بارق البصر. وخشاف القمر اللي اترعبنا منه. وبعد كده فجأة لقينا نفسنا الى ربك يومئذ - 00:50:50

المساق واحنا بنتساعل لربنا سبحانه وتعالي نتحاسب. وبعد كده فجأة مشهد واحنا بنقر على اعمالنا يبنأ الانسان يومئذ بما قدم واخري. وبعد كده مشهد الواحد بيتوسل وي يتضرع ويبكي بندم. بل الانسان على نفسه بصيرا. وبعد كده مشهد واحنا نايمين على فراش الموت. في اخر دقائق في عمرنا - 00:51:07

كده مشهد واحنا متساقين في الجنائز خلاص مشهد عجز تام بعد كده ربنا سبحانه وتعالي بيقول لنا اهو انتم لسة هنا اهو انتم لسة قدامكم فرصة اهو. يا اصحاب النفس اللوامة. يا اللي عاوز بس مش قادر. يا اللي عاوزة بس مش قادرة. يا اللي عاوز تطلع في الطاعة اكتر من كده - 00:51:27

كده وتبقى قوام وصوم بس مش قادر على نفسك يا اللي تبت الى الله بس لسة فيه معصية مش قادرة تسيبها. فيه حاجة من اللي ربنا نهي عليها لسة مش قادرة تسيبها. يا اللي تبت ولسه مش قادر تسيب الاغاني او السجائر. او - 00:51:48 او مش قادر تسيب قناة معينة ربنا حرم انك تنزr على المنازr اللي فيها. يا اللي التزمت وانتقبت بس لسة طاعات الدين مع جوزك ومع رحمك ومع ومع ربك في عبادتك لسة ما انتظبطتش - 00:52:02

يا جماعة يا مذبذبين يا اللي سطر وسطر يا اللي فترة مقبلين على الله وفتره بعد على الله. يا اللي الصحيفة بتاعتنا شوية طاعه وشوية معصية. يا اصحاب النفس اللوامة. يا اللي عاوزين تبقو احسن من كده. يا جماعة - 00:52:15

فوقوا. يا جماعة انتبهوا. يا جماعة انا باوصيكم النهاردة ان انتم كل واحد مننا ان شاء الله يعني احنا الوقتي في التوصيات انا باوصيكم ان كل واحد مننا ان شاء الله الليلة يمسك صورة القيامة ويقرأها كوييس جدا في قيام الليل. انا عايزة تقومي الوقتي بقى ان شاء الله تتوضى وضوء كده كوييس كده عشان الوضوء - 00:52:28

من كلمة ضياء حتى عشان تبقي كلك ضياء كده الزنوب والسود بتاع الزنوب ده ينزل من على قلبك ومن على وشك انا عايزة تقوم تتوضى بعد الحلقة ديت وتقوم تقف بين - 00:52:46

ربنا سبحانه وتعالي وتمسك المصحف او لو حافظ سورة القيامة من غير مصحف. وتقف تصلي في ركعتين بس انا عايزة الركعتين يطولوا. انا عايزة كل كلمة في السورة مرتين وتلاتة واربعة. انا عايزة تبكي الليلة. انا عايزة دموعك دي تنزل على وشك وانت بتقول ليه ارحمني يا رب. وخذ بناصيتي اليك وخد بادي اليك يا رب - 00:52:56

انا عايزة ما تخلصش الركعتين دول غير وانت بتبكي من ايدين ربنا سبحانه وتعالي. يا جماعة يا جماعة ده عزم نعزم كده قدام ربنا عهد قدام ربنا انكم تقوموا تصلوا - 00:53:16

قيام الليلة وتحفظوا سورة القيامة ان شاء الله بازن الله. وتحفظوها. ولما تحفزوا السورة بازن الله سبحانه وتعالي يعني نبدأ نسمعها بقى ونبدأ بقى سنة الحفز بتاعة القرآن وحزاير التسميع. وطول الاسبوع ده الى ان نلتقي ان شاء الله الجمعة القادمة بازن الله برضه في نفس المعاد دهوت لغاية ما نلتقي الجمعة القادمة باذن الله سبحانه وتعالي - 00:53:26

نبدأ بقى نعيش مع سورة القيامة طول الاسبوع ده. عشان المرة الجاية نتكلم عن نموذج تاني بقى. ونتكلم عن خطوة تانية في طريقنا لربنا سبحانه وتعالي. ونبدأ بقى ناخد ايدينا بابدين بعض - 00:53:46

ننطلق الى الله سبحانه وتعالي. يا جماعة يا جماعة احنا مش هنعرف زنوبنا حاجبة عننا عطاءات من ربنا قد ايه غير لما نتوب. زنوبنا

عاملة زي السقف اللي فوقي ده هو - 00:53:56

زي السقف اللي فوقك الوقتي واللي فوقك الوقتي. السقف مانع العطاءات بتاعة ربنا انها تنزل ومانع الدعاء بتاعتنا ان هو يطلع. بس السقف فيه حته لستة مفتوحة. الزنوب ما سدتهاش. ففي عطاءات برضو بتنزل. فانت - 00:54:06

بيتهياً لك ان ده الطبيعي ان الطبيعي ان العطاءات دي بس. ان هو ده كرم ربنا او ده عطاء ربنا لأ. ده انت لو ادمنت الاستغفار انت لو جددت التوبة الليلة - 00:54:20

السقف ده اتزال بقى سقف المعا�ي ده سقف حجب المعصية هتفاجئوا بان السما بتمطر عليكم عطاءات لربنا سبحانه وتعالى. هتفاجئوا ان ايه ده يا رب ايه الكرم ده! هو ده الطبيعي يا جماعة! هو ده الطبيعي! بس كانت زنوبنا حدية علينا.انا عايزنا نقول كلنا الوقتي. اللهم انا تبنا اليك. لا لا لا. انا عايز كلنا - 00:54:30

نقول الوقتي سيد الاستغفار. انا عايزك بقلبك الوقتي تقولي معي. وبقلبك تقولي معي. اللهم انت ربى اللهم انت ربى لا الله الا انت ما ليش غيرك. هاروح فين؟ انا على بابك اهو. احنا على بابك اهو. يا ملك يا عظيم. احنا على بابك اهو. والتلت الاخير من - 00:54:50

بالليل داخل او بيدخل اهو يا رب. احنا على بابك لا الله الا انت خلقتني وانا عبدك وانت تقولي خلقتني وانا امتك. انت اللي خالقني زرة زرة في جسمي ايدك انت. قلبي ده صنعة ايدك انت. ناصيتي دي من ايديك انت. خلقتني وانا عبدك. وانا على عهده ووعده ما استطعت - 00:55:07

على دي يعني عزم ما استطعت هجيب اخري يا رب. من النهاردة انا هجيب اخري. امال سيد الاستغفار ليه؟ لأن فيه عزيمة رهيبة على الطاعة وانا على عهده ووعده ما استطعت. ما استطعت له يعني هجيب اقصى استطاعة. انا هجيب اخري يا رب. انا من النهاردة انا جديدة يا رب. انا من النهاردة عبد جديد يا رب - 00:55:27

انا من النهاردة انسان جديد. انا من النهاردة هموت نفسى في كل يوم من حياتي عشان اطيعك يا رب. عشان كل يوم اقرب منك خطوة جديدة. وانا على عهده ووعده ما استطعت - 00:55:47

اعوذ بك من شر ما صنعت. نجني من عقوبة معصية في الدنيا يا رب. ذنوبى هتضيعنى. ذنوبى بقى لها سقف حاجب بيني وبينك. اعوذ بك من شر ما صنعت احmine من ذنوبى واحmine من نفسى يا رب - 00:55:57

ابوء لك بنعمتك علي يا ما انعمت علي ومعترف واعبوء بذنبى ومعترف بذنبى كلها. كلها يا رب معترف بها كلها. ادم لما عصى ربنا ابليس لما عصى ربنا قال فيما اغويتنى - 00:56:14

اتهم ربنا انما ادم لما عصى ربنا قال ربنا ظلمنا انفسنا. اتهم نفسه. فانا باتهم نفسى عشان انجو زي ادم. مش هاعاند عشان اهلك زي ابليس انا يا رب ابوء بذنبى انا معترف - 00:56:29

عايز ايه؟ اغفر لي. اغفر لنا يا رب. امحو زنوبنا كلها يا رب فانه لا يغفر الذنوب الا انت. ما لناش غيرك. وواقفين على وما لناش امل غير فيك. اللهم تب علينا لنتوب - 00:56:42

اللهم تب علينا توبة ترضى بها عنا. قولوا امين من قلوبكم يا جماعة. احنا داخلين على ساعة اجابة. اللهم تب علينا توبة نصوحه. اللهم اصلاح لنا قلوبنا املاً لنا قلوبنا نورا. املاً لنا ابصارنا واسمعنا نورا. اللهم ثبت قلوبنا على دينك حتى نلقاك - 00:56:56

اللهم احفظنا من الفتنة ومن الشهوات يا رب. يا رب قدمنا الى بابك وليس لنا ملاذ الاك. يا رب يا رب احمنا من فتن الشيطان ومن فتن النفس والهوى يا رب. اللهم ثبتنا على دينك. اللهم استعملنا ولا تستبدلنا. اللهم استعملنا ولا تستبدلنا. اللهم - 00:57:16

انصر اخواننا في فلسطين وفك كربهم وفك اسرهم يا رب. اللهم تب علينا توبة ترضى بها عنا. امين امين امين. سبحان سبحانه اللهم وبحمدك اشهد ان لا الله الا انت - 00:57:36

استغفرك واتوب اليك وجزاكم الله خيرا - 00:57:51